



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-49-2-1094-2/18

Datum: 04.05.2018. god.

OPĆINSKO VIJEĆE TEŠANJ

Informacija o međuopćinskom sporazumu

U 1997. godini Odlukom o granicama nove općine Usora, od Ureda Visokog predstavnika (OHR), formirana je Općina Usora (19. decembar). Nakon toga u martu 1998. godine Federacija BiH (Predstavnički dom i Dom naroda) je donijela Zakon o konstituisanju novih općina u Federaciji BiH i izmjeni područja podijeljenih međuentitetskom i međukantonalnom linijom ("Službene novine FBiH" broj: 6/98). I Odluka OHR-a i usvojeni Zakon ostavili su određena pitanja/teme nezavršenim.

- To je tzv. "distrikt Tešanjka", a riječ je o prostoru *"Sportski teren u Tešanjci, sjeverno od puta na relaciji Doboj-Teslić kao i teritorija koju taj teren pokriva uključujući i sjevernu polovinu puta koji graniči sa terenom: neće pripadati ni Usori ni Tešnju sve dok OHR kasnije ne donese konačnu odluku."* (Tačka 30. Odluke Visokog predstavnika od 19.12.1997.godine, kasnije potvrđeno članom 41. Zakona o konstituiranju novih općina u FBiH i izmjeni područja općina podijeljenih međuentitetskom i međukantonalnom crtom ("Službene Novine FBiH" broj: 6/98).

U nekoliko navrata formirani su međuopćinski timovi za pokušaj dogovornog rješavanja i predlaganja konačnog rješenja statusa "distrikta Tešanjka", međutim do stvarnog pomaka nije došlo. I jedna i druga općina su iznosile svoje argumente zbog kojih smatraju da to treba biti njihov teritorij. Do danas ovaj teritorij je zadržao isti status.

- U kasnijem periodu, djelimično kao posljedica razgraničenja općina, a zbog različitih shvatanja materije, spornim se pojavilo izvorište Jelah. Riječ je vodoizvorištu, bunarima (njih 6) koji su jedinstveno građeni sa vodovodnom mrežom početkom 80-tih godina sredstvima samodoprinosu i učešćem nekoliko poslovnih subjekata sa prostora općine Tešanj (o čemu postoji i dokumentacija). Tri bunara su novom granicom teritorijalno u općini Tešanj, a tri u općini Usora. Općina Usora smatra da joj zbog administrativne nadležnosti i vlasništva nad okolnom zemljom pripadaju bunari i da treba određivati ko i kako će njima upravljati. U ovoj stvari poduzimane su različite pravne radnje: odluke, rješenja, upravni sporovi, tužbe, presude, zahtjevi za ocjene ustavnosti Odluke o zaštitnim zonama itd.

Ova Informacija nema za cilj da elaborira sva dešavanja niti opredjeljuje nove stavove u pogledu prethodno navedenih tema, pa s toga ne sadrži sve argumente ili pravne radnje koje općina poduzima u zaštitu svojih interesa/stavova u tom pogledu.

Pojavile su se nove okolnosti koje utiču na svakodnevnicu i teme iz prethodnog perioda su postale svojevrsna prepreka u drugim oblastima.

1. Naime, u postupku donošenja Prostornih planova općina pitanje "distrikta Tešanjka" je otvorilo ove rasprave i postalo opterećenje. Naime, općina Tešanj je svojim Prostornim planom ovaj teritorij zadržala u svojim granicama, Prostorni plan ZDK je teritorij ucrtao kao dio općine Usore (ne znajući za Odluku OHR-a), a općina Usora koja je u završnoj fazi izrade novog prostornog plana je u prvim varijantama takođe ovaj teritorij ucrtala u svojim granicama, označavajući ga kao distrikt.

U postupku davanja saglasnosti od Zeničko-dobojskog kantona Ministarstvo prostornog uređenja je imalo situaciju koja nije uobičajena (niti je predviđa bilo koji propis u prostornom planiranju): teritorij distrikta koji ne pripada nikome. Zbog toga je zaustavljeno davanje saglasnosti na prostorni plan, a to istovremeno znači mnogo administrativnih barijera i praktičnih problema.


2. Takođe, Ministarstvo prostornog uređenja je bilo zatečeno i trenutnim pravnim aspektima po pitanju vodoizvorišta Jelah (vlasništvo nad zemljištem, vlasništvo nad bunarima, pravo korištenja, voda kao javno dobro, različite teritorijalne nadležnosti, Zakon o vodama, Odluka o zonama sanitarne zaštite, presude ustavnog i Kantonalnog suda...).

Zbog toga je razgovorima općine Tešanj i Usora, kao i posredovanjem ili podrškom kantonalnih institucija predloženo da se na nivou općina pokušaju zauzeti stavovi, koji bi barem otkočili trenutne administrativne prepreke, zadržavajući pravo svake općine da zastupa svoje stavove i koristi različite pravne mehanizme. Sve to je rezultiralo Sporazumom načelnika Tešnja i Usore. Sporazum je na tragu prethodno iznesenih stavova i načela i biće u primjeni ukoliko ga prihvate oba općinska vijeća. Općinsko vijeće Usora se izjasnilo po pitanju Sporazuma i prihvatilo Sporazum, dajući podršku istom. Sada se očekuje stav Općinskog vijeća Tešanj po pitanju Sporazuma, jer je to uslov njegove primjene.

NAPOMENA:


U prilogu Informacije nalaze se:

1. Sporazum o usaglašenim mjerama za usklađivanje Prostornih planova općina Usora i Tešanj
2. Odluka o granicama nove općine Usora (OHR iz decembra 1997.)
3. Zakona o konstituiranju novih općina u FBiH i izmjeni područja općina podijeljenih međuentitetskom i međukantonalnom crtom



OPĆINSKI NAČELNIK

Mr.sc. Suad Huskić



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKA ŽUPANIJA
OPĆINA TEŠANJ OPĆINA USORA
OPĆINSKI NAČELNIK



Na temelju tačke 30. Odluke Visokog predstavnika o granicama nove općine Usora, Sarajevo 19. decembar 1997. godine i člana 41. Zakona o konstituiranju novih općina u FBiH i izmjeni područja općina podijeljenih međuentitetskom i međukantonalnom/međužupanijskom crtom ("Službene novine FBiH" broj: 6/98), a u postupku davanja suglasnosti Skupštine Zeničko-dobojskog kantona na Prostorne planove Općine Usora i Općine Tešanj, te u vezi statusa izvorišta Jelah/Lugovi,

shodno stavovima sa sastanka kod Premijera Zeničko-dobojskog kantona od 16.04.2018. godine, uz sudjelovanje načelnika Općine Usora i Općine Tešanj, ministra Ministarstva za poljoprivredu, šumarstvo i vodoprivredu, ministra Ministarstva za prostorno uređenje, promet i komunikacije i zaštitu okoline, rukovoditelja Zavoda za urbanizam i prostorno uređenje, dana 27. 04. 2018. godine,

Općina Tešanj, zastupana po Mr.sci. Suadu Huskić, Općinskom načelniku
i

Općina Usora, zastupana po Zvonimiru Andelić, dipl. ing. građ., Općinskom načelniku
zaključile su:

SPORAZUM

o usaglašenim mjerama za usklađivanje Prostornih planova općina Usora i Tešanj

1.

Ovim Sporazumom će osigurati, u skladu sa tačkom 30. Odluke Visokog predstavnika od 19.12.1997.godine, a koji glasi: *"Sportski teren u Tešanjci sjeverno od puta na relaciji Doboj-Teslić, kao i teritorija koju taj teren pokriva uključujući i sjevernu polovinu puta koji graniči sa terenom, neće pripadati ni Usori ni Tešnju sve dok OHR kasnije ne donese konačnu odluku. U toku tog perioda sadašnji organi uprave nastavljaju da izvršavaju svoje funkcije, ali će osigurati da sportisti iz obje općine mogu besplatno i pod jednakim uslovima koristiti sportski teren. Najkasnije 31.12.1998.godine će općine Usora i Tešanj zajednički predložiti rješenje Uredu Visokog predstavnika za konačnu Odluku."*, općine Tešanj i Usora, u duhu dobrosusjedskih odnosa i suradnje utvrđuju principe/načela i opredjeljenje za rješavanje administrativnih prepreka u prostornom planiranju za prostor Sportskog terena u Tešanjci, te postupanju u vezi statusa izvorišta Jelah/Lugovi.

2.

- Općine Tešanj i Usora nemaju isti stav u pogledu trajnog rješavanja statusa dijela teritorije naseljenog mjesta Tešanjka, definisanog tačkom 30. Odluke Visokog predstavnika i člana 41. Zakona o konstituiranju novih općina u FBiH i izmjeni područja općina podijeljenih međuentitetskom i međukantonalnom/međužupanijskom crtom ("Službene novine FBiH" broj: 6/98).
- Općina Usora i Tešanj nemaju iste stavove u pogledu statusa izvorišta Jelah/Lugovi.

3.

- Sporazumom se otklanjaju administrativne prepreke/barijere u postupcima donošenja prostorno-planske dokumentacije na pomenutom području.
- Sporazumom se ne prejuidicira konačno rješavanje statusa definisanih područja u članu 2. ovog Sporazuma

4.

Općina Tešanj i općina Usora će, u svojim prostornim planovima shodno važećim zakonima i principima iz člana 2. ovog sporazuma navedeno područje definisati/opisati, na slijedeći način:
„Sportski teren u Tešanjci sjeverno od puta na relaciji Doboj-Teslić, kao i teritorija koju taj teren pokriva uključujući i sjevernu polovinu puta koji graniči sa terenom, odnosno dio teritorije naseljenog mjesta Tešanjka prema karti iz Zakona o konstituiranju novih općina u FBiH i izmjeni područja općina podijeljenih međuentitetskom i međukantonalnom/međužupanijskom crtom (”Službene novine FBiH” broj: 6/98) je prostor koji obuhvataju prostorni planovi općina Tešanj i Usora, bez prejudiciranja njegovog konačnog statusa (pripadanja jednoj ili drugoj općini).“

5.

Tekst definisan članom 4. ovog Sporazuma će biti sastavni dio Prostornih planova Općina Tešanj i Usora.

Općine Usora i Tešanj traže od Vlade i Skupštine ZDK, da isti tekst bude usvojen kao sastavni dio Prostornog plana Zeničko-dobojskog kantona.

6.

Općina Usora i općina Tešanj će izvorište Jelah/Lugovi tretirati shodno Zakonu o vodama ZDK i drugim važećim propisima, čime će osigurati sanitarnu zaštitu i zaštitne mjere izvorišta.

7.

Ovaj sporazum stupa na snagu danom potpisivanja, a primjenjivat će se nakon potvrde istog od strane oba Općinska vijeća; općina Tešanj i Usora u istom sadržaju.

Sporazum je sačinjen u 4 (četiri) istovjetna primjerka od kojih svaka strana zadržava po 2 (dva) primjerka.

ZA OPĆINU TEŠANJ

Općinski načelnik

Mj. sci. Suad Huskić

Broj: 02-49-2-1091/18

ZA OPĆINU Usora

Općinski načelnik

Zvonimir Anđelić, dipl. ing. građ.

Broj: 02-23-22/18